

Mbunda - Kwamena Visoneka - Salvation Scriptures

Efeso 2:2 A simbu ije mwakavangeyeye vingila vya vuvi vwa ano a kaye, mwononokele ku mwene wa vushwana vwa mu mukambwila, ku munzinzime ou ololo alinakutwamenena vanu vaje kuvesi nakwononoka Njambi.

Mateo 6:10 Vumwene vvove vwije, cizango cove vacilinge ano asi, ngwe omwo vakacilingi mwilu.

Luka 22:42 ngwendi, “Tate, nga ushaka, nganja eyi ya kayando itunde kuli yange. Kesi ngwe mwaya cizango cange embwe, oloni cizango cove cilingiwe.”

Yowano 16:7-9 Oloni mwa vushunga njimileka ngwange, mwamuvwa kuli yeni ngeci yange njiye, omwo nga kunjii, Mukwasi kakaija kuli yeni. Oloni nga njiya, co njikamutuma kuli yeni. 8 Co omo akaija, akavayesa vaka-kaye a vuvi, na a vushunga, na a cihi so ca Njambi. 9 Akavavayesa a vuvi omwo kuvakulaelele kuli yange,

2 Timateo 2:10 Ngecivene, njilinakuyanda mu vyuma vyoshe omwo ali vanu va Njambi vakwangula, ngeci na vakevo lalo vatambule kwovoka kwa muli Kilistu Yesu amo na vumpau vuje vwa myaka yoshe.

Loma 15:20,21 Cizango cange simbu yoshe cinapu kwambulula Viñanda Vyavivwa mu mitambela ije kanda vazive vya Kilistu, kutewa njikatungila a luvula Iwanendi laja munu weka. 21 Oloni ngwe muvyendeka visoneka ngwavyo, “Vaje kuvavalekele ali ikeye vakamumona, co vaje kuvazivile vakazivisisa.”

Vilinga vya Miluwa 2:36,37 “Vanu voshe va Isalele, asinoni vanapande kuzivuka mwamuvwa ngeci ou ikeye Yesu, uje imwashukikile a cilindakano, ikeye yanapwisa Njambi Mwene na Wakuvwavesa!” 37 Omo vanu vazivile evi, vazivile mu vimbunge vyavo longoto, co vendekele kuli Petulu na kuli miluwa vakwavo ngwavo, “Eni vakwetu, tunapande kulinga vika?”

VaHevelu 4:2 Omwo tunazivi Viñanda Vyavivwa, ngwe muvavizivilile vakevo. Vazivile lijwi oloni kulyavakwasele, omo valizivile, co kuvalitambwile nakukulaela.

Njlemyia 24:7 Co njikavana mbunge yakuzivuka ngeci yange njapwa Kalunga. Asinoni vakapwa vanu vange, co yange njikapwa Njambi yavo, omwo vachelukila kuli yange na mbunge yavo yoshe.

Vilinga vya Miluwa 16:14 Umo wavo watuzivile wapwile Lindiya watundile ku Tiyatila, wapwile muka-kulandesa vinanga vyavivwa vyakuvenguluka. Wapwile munakazi muka-kulemesa Njambi, co Mwene washokolwele

mbunge yendi kutolilila ku vije vyakele nakwendeka Paulu.

Mateo 13:14,15 Ngecivene, majwi a Isaya muka-kwimanena anapu a vushunga kuli vakevo, ‘Vanu ava kuziva vakaziva, oloni kuvakazivisisa, vakevo kumona vakamona, oloni kuvakamonesesa, 15 omwo mana avo akuzeya, co vanaziki mu matwi avo nakulalameka mesho avo, ngeci mesho avo kesi amone, matwi avo kesi azive, mana avo kesi azivisise, co vakatengulukila kuli yange mukuvakangwisa.’

Isaya 6:9,10 Ngecivene, wanjilekele kuya nakuleka vanu lijwi eli, “Kuziva mukaziva, oloni kumukazivisisa. Yeni kumona mukamona, oloni kumukamonesesa.” 10 Asinoni wendekele kuli yange ngwendi, “Tengulula mana ava vanu ngeci apwe akuzeya, vapwe tusinda-matwi, vapwe tupuputwa, ngeci kesi vase kumona nambe kuziva nambe kuzivisisa. Nga vapwa vavavwa, co vakatengulukila kuli yange mukuvakangwisa.”

Mako 4:11,12 Co Yesu wavakumbulwile ngwendi, “Yeni vanamyana kuzivuka vyuma vya Vumwene vwa Njambi, oloni kuli ava vali anja, vakaziva muvinalumbunukila vyuma vyoshe kuvanga na visimo, 12 ngecivene, ‘Kumona vamona, oloni kuvakamonesesa, co kuziva vaziva, oloni kuvalizvisisa. Omwo nga valingamo, vakatengulukila kuli Njambi, co akavasambesa!’ ”

Yowano 12:39,40 Ngecivene, kuvalisele kukulaela, omwo Isaya wendekele lalo ngwendi, 40 “Njambi nazivalesa mesho avo, co nakaluwisa vimbunge vyavo, ngeci mesho avo kesi amone, Co kesi vazivisise, kutewa vatengulukila kuli yange, co yange njikavakangwisa.”

Loma 11:7,8 Vationi? Vanu va Isalele kuvawanene cije civakele nakushakezeka. Yapwile mbunga yaindondo lika vaje vaangwile Njambi vakevo vaciwanene, co vaje vasaleleo vapwile tusinda-matwi kukusana kwa Njambi. 8 Ngwe muvyendeka visoneka ngwavyo, “Njambi nazivalesa vimbunge na mana avo, nakweta ku litangwa lyalelo kuvalisele kumona nambe kuziva.”

2 Tesalonika 2:10,11 co akapangesa miyati yoshe ya kupenga-penga ya makuli ali vaje vakanyonga. Vakevo vakanyonga omwo kuvatambwile nakuzema vushunga ngeci vovoke. 11 Ngecivene, Njambi natumu nzili yakuvalisele mukupanga muli vakevo ngeci vakulaele vije vinapu vya makuli,

Mateo 13:18-23 “Tolilileni, nakulilongesa mucinalumbunukila cisimo ca muka-kukuva. 19 Voshe vanu vaje vaziva majwi awa a Vumwene vwa Njambi oloni kuvawazivisisa, vanapu ngwe vimbuto vije vyawililile kumukulo wa ngila. Uje Muka-vuvi aiya nakunyangulamo vije vivakuvile muli vakevo. 20 Vimbuto vije vyawililile a livu lya mamanya vinapu ngwe vaje vanazivi lijwi nakulitambula vwasi-vwasi nakuvwaelela. 21 Oloni kulyesi na mizi muli

vakevo yai, co likala kasimbu kakandondo lika. Co omo tuyando twija nambe mapakeso omwo lijwi, co aje vene valikela. 22 Vimbuto vije vyawililile akati ka mambimbo vinapu ngwe vaje vaziva lijwi, oloni lipakeso lya mwonyo na cizemo ca vufuko vitundisisa lijwi, co kuvemi vushuka. 23 Co vimbuto vije vyawililile ku livu lya vwilo, vinapu ngwe vaje vaziva lijwi nakulizivisia, vaima vushuka, vamo vaima vushuka 100, vakwavo makumi atanu na limo, co vakwavo makumi atatu.”

2 Kolinte 3:15,16 Nameme lelo vene, omo valava Lishiko lya Mosesa, co lije lilesu licili nakufwika mana avo. 16 Oloni vasa kilitundisa, ngwe muje muvyendeka visoneka ali Mosesa ngwavyo, “Lije lilesu lya Mosesa valitundisile, omo watengulukilile kuli Mwene.”

Isaya 30:28 Ikeye akatumu lihunzi kulutwe lwendi, co lipwa ngwe livazi lije lisindumwina vyuma vyoshe kulyala. Likakombo mafuti nakuwanyongesa nakumanesa matumbe avo amavi.

Hoziya 11:3-7 Oloni njalongesele Isalele kwenda. Njambatele vanu vange mu mavoko ange, oloni kuvaselé kunanguka ngeci yange njavalelele embwe. 4 Njavashwenyesele kuli yange na cizemo cange. Njavajundwile nakuvaka a nulo yange, njakulamene nakuvalisa. 5 “Oloni vavyanene kwiluka kuli yange, ngecivene, vanapande kwilukila lalo ku Ingito, ngeci vaAsilya vakavashwane. 6 Co nzita ikanyongesa vinganda vyavo nakusiwula vikolo vya nganda. Nzita ikanyongesa vanu vange, omwo valinakulinga vije vivayongola vakevo vavenya ngwavo vinapu vyavivwa. 7 Valambelela ngeci vatunde kuli yange. Vakalilila kuli yange omwo mandauluwa ije ili ali vakevo, oloni naumo wai akavatundisayo.

Vilinga vya Miluwa 26:18 Ukatonesa mesho avo nakuvatundisa ku lisusulungu nakuvatwala ku ceke nakuvatundisa ku nzili ya Satana nakuvatwala kuli Njambi, ngeci akukulaela kwavo kuli yange vakavasambese ku vivi vyavo nakutambula mwela wavo akati ka vanu vaje vanaangula Njambi.’

2 Timateo 2:24-26 Ngwe ngamba ya Mwene, kuwapandele kupwa mukavimata. Unapande kupwa muka-ngozi kuli voshe, mulongisi wamuvwa wa lukakateya, 25 walyowwa-owwa omo ashungamesa vaka-kumulwisa, amo Njambi akavana simbu yakutenguluka ngeci vazivuke vushunga. 26 Co asinoni vakatenguluka ku mana avo ngeci vatewe ku mweto wa Liyavola, uje navakwata nakuvapwisa vaka-kwononoka cizango cendi.

Kujombolola 3:17-19 Omwo wendeka ngwove, ‘Yange nji muka-kufuka njapwisamo, vyoshe njitonda njilinavyo.’ Oloni yove kuuzivuka vuutu na tuyando ulinatwo! U kautu, uli na vuzu, co lalo u kapuputwa. 18 Ngecivene, njikunangula ngeci ulande ngolinde kuli yange, ngolinde yakujela, ngeci ufuke. Co lalo landa vuzalo vwakutoka uzale ngeci ufrike mutotototo wove wa shwamwa. Co lalo landa cemba cawkaka mu mesho ove, ngeci wase

kumona. 19 Yange njivindika nakunyanyamesa vaje voshe vanjazema.

Ngecivene, nyanyammeni, co tengulukeni ku vivi vyeni.

2 Kolinte 7:10 Omwo vusiwa vwa cizango ca Njambi navupangesa mukumitwala kukutenguluka kwa vimbunge vyeni nakumitwamenena kukwovoka, co eci naumo wai asa kucivyana! Oloni vusiwa vwa ku cisemwa ca vunu vutwala ku kutsa.

1 Vimyene 18:37 Njikumbulule, Shukulu Kalunga, ngeci vanu ava vakuzivuke ngeci yove Shukulu Kalunga, unapu u Njambi, ngeci vimbunge vyavo vitengulukile kuli yove.

2 Kolinte 4:4 Vakevo kuvasa kukulaela omwo njambi uje wa vuvi wa kano kaye nazivalesa mana a vaka-kujeneka kukulaela ngeci kesi vamone mutanya uje wa Viñanda Vyavivwa vya vumpau vwa Kilisitu, uje vene wafwa cifwa ca Njambi.

Luka 8:11-15 "Omukemwo mucalumbunukila cisimo, vimbuto vinapu liji lya Njambi. 12 Co vije vimbuto vyawililile kumukulo wa ngila vinemanena vaje vaziva liji, oloni Liyavola aija nakutundisa liji mu vimbunge vyavo ngeci kesi vakulaela nakwovoka. 13 Co vije vimbuto vyawililile a mamanya vinemanena vaje vaziva liji, co valitambula nakujolela, oloni kulyasa kukovela manene muli vakevo, vakulaela lika kasimbu, oloni omo vyeseko vija, co aje vene valikela. 14 Vimbuto vije vyawililile akati ka mambimbo, vinemanena vaje vaziva liji, oloni lipakeso na vufuko nakuvwaelela kwa mwonyo ou vishulamo nakuvitiva, co kuvaimi vushuka. 15 Co vimbuto vije vyawililile ku livu lya vwilo vinemanena vaje vaziva liji nakulinyunga na mbunge yaivwa yakwononoka, co vakakateya noo vaima vushuka."

Vilinga vya Miluwa 15:11 Embwe! Tukulaela, co twovoka a kutetela kwa Mwene Yesu, ngwe vakevo lalo.

Loma 8:13 Omwo nga muyoyela mu vusitu, co mukatsa vene, oloni nga ali Munzinzime mutsiya vilinga vyeni vyavivi, co mukayoya.

Pastor T. John Franklin
Church of Salvation, Healing, and Deliverance
COS-HAD.org